

STATUT
I SHOQËRISË ME PËRGJEGJËSI TË KUFIZUAR
“QUAD ALBANIA” SHPK

Me këtë akt MARCO CAVAZZA Nr Personal H03715003S lindur në BOLOGNA , me 15/07/1970, banues në qytetin e SARANDES, nga një krahe.

Dbë

ARBER GOGA Nr Personal I30612021T lindur në Memaliaj, me 12/06/1983, banues në qytetin e PERMETIT nga krahu tjetër.

Në datën 16.08.2023 palët bien dakord si më poshtë për themelimin e SHOQËRISË “QUAD ALBANIA” SHPK, me nënshkrimin e këtij Statuti.

I. PJESËMARRJA

Neni 1
Ortakët

Ortakët e shoqërisë “QUAD ALBANIA” SHPK (“Shoqëria”) janë:

- MARCO CAVAZZA , shtetas italian, lindur më 15/07/1970, në BOLOGNA, mbajtës i pasaportës me nr. YB7942251;
- ARBER GOGA Nr Personal I30612021T lindur në Memaliaj, me 12/06/1983, banues në qytetin e PERMETIT

1.1 Përgjegjësia e ortakëve është e kufizuar në përpjesëtim me kontributin e tyre në kapitalin e Shoqërisë, i cili përfaqësohet në kuota.

1.2 Në këtë Statut:

“Ditë Pune” është një ditë përveç të shtunës, të dielës ose ditëve të festave zyrtare kur bankat në Shqipëri janë të hapura për transaksionet normale të biznesit.

“Qendra Kombëtare e Biznesit” është *Qendra Kombëtare e Biznesit*, një institucion publik ku mbahet regjistri tregtar.

“Ortak” është MARCO CAVAZZA ose ARBER GOGA ose çdo ortak tjetër i Shoqërisë kohë pas kohe.

“Person i lidhur” do të thotë, në lidhje me çdo person (“Ortak”);

- a) bashkëshorti ose partneri i Ortakut;

- b) çdo person tjetër (qoftë i gjinisë së ndryshme ose i të njëjtës gjinie) me të cilin Ortaku jeton si partner në një marrëdhënie të qëndrueshme familjare;
- c) fëmijët biologjikë ose fëmijët e bashkëshortit/es të Ortakut;
- d) çdo fëmijë biologjik ose fëmijët e bashkëshortit/es të një personi referuar në paragrafin (b) (dhe që nuk janë fëmijët biologjikë ose fëmijët e bashkëshortit/es të Ortakut) të cilët jetojnë me Ortakun dhe që nuk e kanë mbushur moshën 18;
- e) prindërit, vëllezërit ose motrat e Ortakut;
- f) çdo ortak i Ortakut në rastin kur ky i fundit është një person juridik;
- g) çdo person juridik:
 - i. ku Ortaku dhe/ose një person sipas paragrafëve nga (a) në (f) zotëron kuota ose aksione në kapitalin e atij personi juridik të një vlere nominale të barabartë me të paktën njëzetë përqind (20%) të atij kapitali; ose
 - ii. në lidhje me të cilin Ortaku dhe/ose një person sipas paragrafëve nga (a) në (e) ka të drejtë të ushtrojë ose kontrollojë ushtrimin e më shumë se njëzetë përqind (20%) të drejtave të votës në asamblenë e përgjithshme të atij personi juridik.

“**Ligji i Zbatueshëm**” është çdo ligj, statut, legjislacion i lidhur, traktat, rregullore, direktivë, vendim, akt nënligjor, rregullore, kod, urdhër, dekret, masë ose vendim i ndonjë autoriteti qeveritar, organ ligjor, administrativ ose rregullator, gjykatë ose agjenci, në secilin rast, në masën që është ligjërish i detyrueshëm për personin përkatës.

“**Ligji për Shoqëritë Tregtare**” është ligji nr. 9901 datë 14.04.2008 “Për Tregtarët dhe Shoqëritë Tregtare”, i ndryshuar kohë pas kohe.

“**Statut**” është statuti i nënshkruar nga Ortakët dhe i ndryshuar nga asambleja e përgjithshme kohë pas kohe.

“**Blokim**” është situata kur një vendim i asamblesë së përgjithshme nuk mund të merret për shkak të mosmarrëveshjes midis Ortakëve, ose për shkak se kuorumi ose shumica e kërkuar në asamble për marrjen e vendimit nuk mund të arrihet dhe si pasojë e kësaj aktiviteti i Shoqërisë ose një pjesë e rëndësishme e tij pengohet ose bllokohet.

II. EMRI, SELIA, FORMA LIGJORE, KAPITALI

Neni 2

Emri

- 2.1 Emri i plotë i shoqërisë në dokumentacionin zyrtar është “**QUAD ALBANIA**” SHPK.
- 2.2 Në të gjithë dokumentet, faturat, reklamat dhe botimet e lëshuara nga Shoqëria, pavarësisht mjetit të transmetimit, emri i Shoqërisë duhet të paraprihet ose ndiqet nga:

- i. fjalët “*Shoqëri me përgjegjësi të kufizuar*” ose “*SHPK*”;
- ii. numri i saj unik i identifikimit (NUIS);




- iii. kapitali themeltar dhe kapitali i paguar i Shoqërisë
- iv. adresa e selisë; dhe
- v. një shënim që Shoqëria është në likuidim, nëse zbatohet.

Neni 3 **Forma ligjore**

- 3.1 Shoqëria është themeluar si një shoqëri me përgjegjësi të kufizuar në përputhje me ligjin nr. 9901, datë 14.04.2008 "Për tregtarët dhe shoqëritë tregtare", i ndryshuar ("Ligji për Shoqëritë Tregtare").
- 3.2 Shoqëria mund të transformohet në një formë tjetër ligjore në përputhje me legjislacionin shqiptar.

Neni 4 **Baza ligjore**

Shoqëria do të kryejë aktivitetin e saj në përputhje me Statutin, Ligjin për Shoqëritë Tregtare dhe dispozitat e tjera të legjislacionit shqiptar.

Neni 5 **Kohëzgjatja**


Shoqëria do të ushtrojë aktivitetin e saj për një afat të pacaktuar.

Neni 6 **Selia dhe Degët**

- 6.1 Selia e Shoqërisë është në Rruga Jonianet Nr 11 Sarandë, Shqipëri.
- 6.2 Administratori i Shoqërisë mund të ndryshojë selinë e Shoqërisë si dhe të hapë adresa dytësore për Shoqërinë në Shqipëri, në përputhje me nevojat e Shoqërisë, pa qenë e nevojshme marrja e një vendimit të Asamblesë së përgjithshme për këtë qëllim.
- 6.3 Asambleja e përgjithshme mund të hapë ose mbyllë agjenci, zyra përfaqësimi, degë që nuk kanë natyrën e adresave dytësore jashtë territorit të Republikës së Shqipërisë.

Neni 7 **Objekti**

- 7.1 Shoqëria do të ushtrojë çdo aktivitet në fushat e mëposhtme:
 - Propozime dhe dhenien e mjeteve të motorizuara me qera sipas kontratave të nënshkruara. Shitje të produkteve të ndryshme tradicionale shqiptare dhe propozimin e tyre tek individët dhe të personat juridik brenda dhe jashtë vendit.
 - Organizim dhe kryerje eskursionesh turistike ditore ose javore, brenda dhe jashtë vendit me mjetet e shoqërisë ose të marra me qera, me shoqëriset e vet ose me bashkëpunor.



- Shoqëria ka për objekt të saj kryerjen dhe marrjen pjesë në të gjitha aktivitetet që një shoqëri me përgjegjësi të kufizuar mund të ushtrojë në bazë të legjislacionit shqiptar, dhe në veçanti. Te gjitha aktivitetet që kanë lidhje me fushën e turizmit.
- Aktivitet si agjenci turistike. Formulimi dhe shitja e paketave të ndryshme turistike me destinacione të ndryshme brenda dhe jashtë vendit.
- Organizimin dhe kryerjen e transportit të turistëve nga aeroportet ose portet në hotelet ose në destinacionet e dëshiruara sipas prenotimeve dhe sipas klauzolave të kontratave që lidhen me personat fizik ose juridik.
- Shitje të paketave turistike, udhetime, shërbime për transport dhe prenotime hotelesh për të gjithë personat fizik, juridik dhe individët publik.
- Ofrim informacionesh dhe keshilla, planifikim udhetimesh, organizim udhetimesh të personalizuar brenda dhe jashtë vendit.
- Perjashtohen biletat e transportit për pasagjer të cilat nuk kanë lidhje me agjensinë e udhetimeve turistike ose me tur operatorët, me aktivitetet turistike.
- Aktivitet si zyre informative mbi turizmin lokal dhe mbi strukturat e akomodimit për turistat.
- Aktivitet për guida turistike dhe shoqerues ose udhëfyes turistik. Aktivitete si tour operator.
- Organizim dhe menaxhim të udhëtimeve turistike të shitura nga agjencitë turistike apo nga vet tour operatorët.
- Udhëtimet mund të përfshijnë një ose disa nga shërbimet e më poshtme.
- Transport, akomodim, ushqim, vizita në muzeume dhe në ambiente me interes historik dhe kulturor, evente teatrale, muzikale dhe sportive.
- Organizim eventesh të ndryshme në të gjitha fushat brenda dhe jashtë vendit. Shitje të produkteve të ndryshme tradicionale shqiptare dhe propozimin e tyre tek individët dhe të personat juridik brenda dhe jashtë vendit.
- Me vendim të ortakëve të Shoqërisë mund të marrë pjesë në veprimtari bashkëpunimi me shoqëri të tjera vendase apo të huaja për realizimin e projekteve të fushave të ndryshme të biznesit.
- Me vendim të ortakëve të Shoqërisë mund të marrë pjesë në veprimtari bashkëpunimi me shoqëri të tjera vendase apo të huaja për realizimin e projekteve të fushave të ndryshme të biznesit.

7.2 Për të arritur qëllimin e lartpërmendur, Shoqëria ka të drejtë:

- a) Të lidhë të gjitha llojet e kontratave ose marrëveshjeve me personat fizikë ose juridikë publikë ose privatë, të huaja ose shqiptarë;
- b) Të themelojë të gjitha llojet e shoqërive ose të marrë pjesë në shoqëri shqiptare ose të huaja, sipërmarrje të përbashkëta ose lloje të ndryshme biznesesh, që kanë objekte të njëjta ose të ngjashme;
- c) Të hapë degë ose agjenci në Shqipëri ose jashtë saj;
- d) Të përfaqësojë bizneset shqiptare ose të huaja që lidhen me objektin e Shoqërisë;
- e) Të lidhë marrëveshje kredie, të pranojë garanci personale ose të tjera, të marrë përsipër detyrime; dhe
- f) Të ndër marrë ndonjë aktivitet tregtar ose aktivitet tjetër dhe të kryejë çdo veprim ligjor ose transaksion që lidhet drejtpërdrejt ose tërthorazi me objektin e Shoqërisë, ose që synon drejtpërsëdrejti ose tërthorazi përbushjen e objektit të Shoqërisë.




- 7.3 Shoqëria mund të kryejë në mënyrë dytësore dhe në çdo rast me qëllim arritjen e objektivave të Shoqërisë, çdo veprim tregtar, industrial, financiar dhe transaksion në lidhje me pasuri të luajtshme dhe të paluajtshme të cilat janë të nevojshme ose të përshtatshme për arritjen e objektivave të Shoqërisë.
- 7.4 Shoqëria mund të kryejë të gjitha veprimtaritë ndihmëse, si dhe të gjitha aktivitetet e nevojshme ose të përshtatshme për të arritur qëllimin e biznesit të Shoqërisë në përputhje me ligjin.
- 7.5 Objekti i Shoqërisë mund të modifikohet ose ndryshohet me vendim të asamblesë së përgjithshme.

Neni 8 Kapitali

- 8.1 Kapitali themeltrar i Shoqërisë është 10,000 Lekë (dhjetë mijë *lekë*) dhe përbëhet në këtë datë nga 2 (dy) kuota. Secili nga Ortakët zotëron 1 (një) kuota me një vlerë nominale që është në përpjesëtim me kontributin e secilit Ortak në kapitalin e Shoqërisë. Transferimi i mëvonshëm i kuotës së Ortakëve në favor të Ortakut tjetër ose të ndonjë pale të tretë nuk do të konsiderohet ndryshim i këtij Statuti.
- 8.2 Kapitali mund të paguhet në një ose më shumë kështe brenda 1 (një) viti nga regjistrimi i Shoqërisë.
- 8.3 Në momentin e miratimit të këtij Statuti, kuotat ndahen mes Ortakëve si më poshtë:

Ortakët	# i kuotave	Përqindja	Vlera (lekë)
MARCO CAVAZZA	1	51%	5,100
ARBËR GOGA	1	49%	4,900

Neni 9

Transferimi i pjesëve të kapitalit. Kufizimet mbi transferimin. Opsionet.

- 9.1 Përveç parashikimeve në nenin 9.2 më poshtë, kur është i zbatueshëm, dhe përveç rasteve kur Shoqëria ka vetëm një Ortak, Ortakët e Shoqërisë nuk mund të shesin, transferojnë, cedojnë, dhurojnë, vendosin peng, transferojnë pronësinë e zhveshur ose uzufraktin, barrësojnë ndonjë pjesë ose tërësinë e kuotave të tyre në Shoqëri ose bien dakord për ndonjë nga këto akte pa vendimin paraprak me shkrim të asamblesë së përgjithshme të marrë sipas këtij Statuti. Sa më sipër nuk do të zbatohet për veprimet e kryera me ose në favor të Personave të Lidhur të secilit ortak.
- 9.2 Kuotat mund të transferohen lirisht vetëm midis Ortakëve. Kuotat e kapitalit themeltrar mund të shiten tek palët e treta që nuk janë ortakët e Shoqërisë duke përmbushur kushtet e nëneve 9.3 - 9.11 më poshtë.

Procedura e ushtrimit të të drejtës së parablerjes

- 9.3 Ortaku, i cili ka për qëllim të shesë tërësisht ose pjesërisht kuotën e tij ("Ortaku Shitës"), do të njoftojë menjëherë Ortakun tjetër ("Ortakun Jo-shitës") dhe Administratorin/ët e Shoqërisë, në përputhje me




nenin 14.4 më poshtë, për të gjitha kushtet dhe afatet e transferimit të ardhshëm të kuotave ("Njoftimi për Shitje"), duke përfshirë por jo duke u kufizuar në:

- (i) emrin e blerësit potencial,
- (ii) çmimin dhe kushtet e pagesës, duke përcaktuar nëse çmimi është në para ose në natyrë,
- (iii) një konfirmim me shkrim të përfituesit të ardhshëm që oferta që i është bërë Ortakut Shitës është në mirëbesim dhe që ai/a/ajo ka ose do të ketë në momentin e nënshkrimit të marrëveshjes së shitblerjes së kuotave, mjetet financiare ose mjetet e tjera të së njëjtës natyrë për të paguar çmimin që i është ofruar Ortakut Shitës dhe do t'ia bëjë rregullisht këtë pagesë Ortakut Shitës, dhe
- (iv) konfirmimin e përfituesit të ardhshëm që ai do të jetë i detyruar sipas kushteve të Statutit dhe çdo marrëveshje të Ortakëve, nëse ka, që ekziston dhe është në fuqi midis Ortakëve.

- 9.4 Ortaku Jo-shitës mund të ushtrojë të drejtën e tij të parablerjes me anë të një njoftimi me shkrim ("Njoftim për Blerje") që i dërgohet në përputhje me Nenin 14.4 më poshtë Ortakut Shitës dhe Administratorit/ëve të Shoqërisë brenda 30 (tridhjetë) ditësh nga data e marrjes së Njoftimit për Shitje.
- 9.5 E drejta e parablerjes duhet të ushtrohet mbi të gjitha kuotat e përcaktuara në Njoftimin për Shitje dhe nuk lejohet ushtrimi i pjesshëm i saj.
- 9.6 Njoftimi për Blerje duhet të shprehë qartësisht vullnetin e Ortakut Jo-Shitës për të ushtruar të drejtën e tij të parablerjes mbi të gjitha kuotat e përcaktuara në Njoftimin për Shitje dhe me të njëjtin çmim, duke përfshirë të njëjtat kushte dhe afate, të përcaktuar në Njoftimin për Shitje. Në rast se më shumë se një Ortak Jo-Shitës ushtron të drejtën e parablerjes, secili prej tyre ka të drejtë të blejë një përqindje të kuotave në përpjesëtim me kuotat e zotëruara nga Ortakët Jo-Shitës, të cilët kanë ushtruar në mënyrë të vlefshme të drejtën e para blerjes.
- 9.7 Në rast se e drejta e parablerjes nuk është ushtruar, Ortaku(ët) Shitës mund të transferojë kuotat te ndonjë palë e tretë por vetëm nëse transferimi kryhet sipas të njëjtave kushte dhe afate të treguara në Njoftimin për Shitje.
- 9.8 Ortaku Shitës do t'i japë Ortakut(ve) Jo-Shitës një kopje të marrëveshjes së shitjes së kuotave të lidhur me palën e tretë e cila duhet të ketë kusht pezullues miratimin nga asambleja e përgjithshme. Asambleja e përgjithshme do të miratojë me shkrim përfundimin e procedurës dhe plotësimin e kushteve të përcaktuara në të dhe formalisht do të miratojë transferimin e kuotave tek pala e tretë, sa më shpejt të jetë e mundur, por në çdo rast, jo më vonë se 15 (pesëmbëdhjetë) ditë nga data e njoftimit të marrëveshjes së nënshkruar për shitjen e kuotave midis Ortakut Shitës dhe palës së tretë.
- 9.9 Në rast se kuotat e ofruara për shitje nuk janë shitur brenda 30 (tridhjetë) ditësh nga e nesërmbja e ditës kur Ortaku Shitës është i lirë t'ia shesë kuotat një pale të tretë, atëherë e drejta e parablerjes e Ortakut(ve) Jo-Shitës do të rilindë në lidhje me kuotat e ofruara në të njëjtën mënyrë dhe do të rindiqet e njëjta procedurë si më sipër.
- 9.10 Pavarësisht nenit 9.3 më sipër, Ortaku Shitës mund t'i ofrojë kuotat për shitje Ortakut/ëve Jo-Shitës edhe në rast se ato nuk i janë propozuar paraprakisht një pale të tretë, duke përcaktuar çmimin, kushtet



e pagesës së tij, afatet dhe kushtet e tjera të rëndësishme të shitjes dhe Ortakët do të ndjekin, për aq sa është e zbatueshme, të njëjtën procedurë të përcaktuar më sipër.

- 9.11 Çdo transferim kuotash që nuk është në përputhje me dispozitat e këtij neni konsiderohet i pavlefshëm. Megjithatë, Ortakët nuk mund të refuzojnë dhënie e pëlqimit të tyre në asamblenë e përgjithshme në rast se procedura e mësipërme është respektuar. Në të kundërt ata janë përgjegjës ndaj Ortakut Shitës dhe detyrohen të dëmshpërblejnë humbjen e çmimit të shitjes si dhe çdo dëm tjetër të pësuar nga ky i fundit si pasojë e vonesës ose të refuzimit për transferimin e kuotës.

Opsioni i shitjes/blerjes

- 9.12 Në rast Bllokimi, sipas përkufizimit të këtij Statuti, që zgjat më shumë se 30 (tridhjetë) ditë, Ortaku i pakicës ka të drejtë (opsionin) t'i kërkojë Ortakut tjetër (të shumicës) që, sipas vlerësimit të Ortakut të pakicës, (i) të blejë kuotën e Ortakut të pakicës në Shoqëri ose (ii) t'i shesë kuotën e tij Ortakut të pakicës.
- 9.13 Ortaku i pakicës do t'i njoftojë Ortakut të shumicës kërkesën për ushtrimin e opsionit në Shoqëri si më sipër me anë të një njoftimi të dërguar sipas Nenit 14.4 më poshtë dhe Ortaku tjetër është i detyruar të vijojë me blerjen ose shitjen sipas nenit të mëposhtëm.
- 9.14 Çmimi për blerjen ose shitjen e kuotës sipas rastit, do të vendoset me marrëveshje ndërmjet Ortakëve brenda 30 ditëve nga dërgimi i njoftimit për ushtrimin e opsionit. Në rast mosmarrëveshje ndërmjet Ortakëve lidhur me çmimin e kuotës ose mos kthimit të përgjigjes, çmimi do të vendoset nga një vlerësues i pavarur, i zgjedhur nga të dy Ortakët brenda 7 (shtatë) ditëve nga përfundimi i afatit si më sipër, dhe kostoja përkatëse do të ndahet në mënyrë të barabartë ndërmjet Ortakëve. Në rast mosmarrëveshje ndërmjet Ortakëve për zgjedhjen e vlerësuesit të pavarur brenda afatit të përcaktuar, vlerësuesi i pavarur do të zgjidhet nga Ortaku i pakicës ndërmjet audituesve ligjorë të pavarur të njërit prej audituesve të mëposhtëm: Price Waterhouse Coopers, EY, Deloitte&Touche, Grand Thornton, Mazaars dhe KPMG. Vlerësuesi i pavarur autorizohet gjithashtu të caktojë ose kontrakttojë ekspertë të fushave të ndryshme (si psh. vlerësues pasurie etj.) të cilët janë të nevojshëm për kryerjen e vlerësimit.
- 9.15 Çmimi i përcaktuar nga vlerësuesit e pavarur si më sipër është detyruar për Ortakët dhe konsiderohet që prej nënshkrimit të këtij statuti ose të hyrjes në Shoqëri për ortakët e rinj, si çmim i drejtë, i paankimueshëm dhe i përcaktuar në mënyrë të pavarur. Me përcaktimin dhe njoftimin e çmimit, Ortakët detyrohen të nënshkruajnë kontratën e shitjes brenda 7 (shtatë) ditëve sipas draftit standard të lëshuar nga noteri . Asambleja mund të miratojë kohë pas kohe një draft standard të ndryshëm nga sa më sipër me vendim të marrë sipas këtij Statuti. Në rast se Ortakët nuk nënshkruajnë kontratën brenda afatit të përcaktuar, Ortaku në shkelje detyrohet të paguajë një penaltitë në masën EUR 500 në ditë për çdo ditë vonesë, pa kufizuar kërkesën për shpërblim të dëmit shtesë të pësuar nga Ortaku tjetër, deri në momentin kur ai nënshkruan kontratën përkatëse.



Neni 10 Zmadhimi kapitalit

- 10.1 Ortakët mund të zmadhojnë kontributin e tyre në kapitalin e Shoqërisë. Kontributet e Ortakëve mund të jenë në para apo në çfarëdo forme të lejuar nga ligji, duke përfshirë edhe kontributet në natyrë me sende të luajtshme ose të paluajtshme.
- 10.2 Ortakët mund të financojnë Shoqërinë nëpërmjet huave me ose pa interes, apo në çdo formë tjetër të lejuar nga ligji që është e ndryshme nga zmadhimi i kapitalit, rast në të cilin është i nevojshëm miratimi paraprak i asamblesë së përgjithshme.
- 10.3 Mënyra e zmadhimit të kapitalit, natyra e kontributeve dhe kushtet e pagimit të kontributeve nga Ortakët, do të vendosen rast pas rasti me vendim të asamblesë së përgjithshme. Vendimet e asamblesë së përgjithshme në këtë rast mund të përfshijnë ndër të tjera gjobat dhe/ose pasojat për një ortak në rast të mos-pagesës së kontributit në afatin e rënë dakord duke përfshirë por pa u kufizuar në (i) zvogëlimin e pjesës së ortakut në kapital ose anulimin e zmadhimit (ii) interesin për pagesat e vonuara, etj.
- 10.4 Zmadhimi i kapitalit mund të bëhet gjithashtu nëpërmjet nënshkrimit dhe pagesës së kuotave të reja të kapitalit nga ortakët e rinj, pas miratimit paraprak me shkrim nga asambleja e përgjithshme.

Neni 11 Zvogëlimi kapitalit

Bazuar në vendimin e asamblesë së përgjithshme, zvogëlimi i kapitalit do të kryhet në përputhje me Ligjin për Shoqëritë Tregtare.

III. STRUKTURA DREJTUESE

Neni 12 Asambleja e Përgjithshme

- 12.1 Vendimet kryesore të veprimtarisë së Shoqërisë merren nga asambleja e përgjithshme, e cila është organi më i lartë i Shoqërisë që ka të drejtë të marrë vendime për të gjitha çështjet e aktivitetit të saj. Nëse Shoqëria ka ose mbetet me një Ortak dhe për sa kohë që kjo gjendje vazhdon, vendimet mund të merren nga ky i fundit me shkrim pa zhvilluar mbledhje të asamblesë së përgjithshme. Vendimet me shkrim të Ortakut të vetëm i komunikohen administratorit dhe regjistrohen në regjistrin e vendimeve.
- 12.2 Në rastin kur Shoqëria ka më shumë se një Ortak, çdo kuotë garanton të drejtën e një vote në përpjesëtim me vlerën e saj nominale në asamblesë të përgjithshme të ortakëve dhe ushtrohet në përputhje me këtë Statut, të drejtën për të zgjedhur dhe për t'u zgjedhur në organet drejtuese, të drejtën për të marrë pjesë në shpërndarjen e fitimeve të Shoqërisë si dhe të drejta të tjera të parashikuara sipas



këtij Statuti, marrëveshjet midis Orrakëve, nëse ka, dhe dispozitat ligjore të Ligjit për Shoqëritë Tregtare.

- 12.3 Çdo transferim ose krijim garancie mbi kuotat do të bëhet në përputhje me nenin 9 dhe/ose me miratimin paraprak të asamblesë së përgjithshme siç parashikohet në të.
- 12.4 Asambleja e përgjithshme do të ketë të drejtë të vendosë për çështjet e mëposhtme:
- a. modifikimin dhe ndryshimin e këtij Statuti;
 - b. pranimin e ortakëve të rinj, kur zbatohet (pas zmadhimit të kapitalit apo transferimit të kuotave);
 - c. zmadhimin dhe zvogëlimin e kapitalit themeltar;
 - d. vendosjen për shkrirjen, prishjen, likuidim dhe çdo lloj transformimi tjetër të Shoqërisë;
 - e. miratimin e blerjes edhe/ose shitjes së interesave pjesëmarrëse në shoqëritë brenda apo jashtë Shqipërisë;
 - f. lëshimin e garancive dhe kolateraleve, miratimeve dhe garancive për huatë dhe detyrimet ndaj palëve të treta;
 - g. themelimin dhe/ose mbylljen e degëve dhe zyrave të përfaqësimit jashtë territorit të Shqipërisë;
 - h. miratimin e raporteve vjetore dhe bilanceve dhe miratimin e shpërndarjes së fitimit;
 - i. miratimin e rregullave të brendshme të administrimit;
 - j. depozitimin e padive kundër anëtarëve të organeve të Shoqërisë;
 - k. miratimin e blerjes, shitjes dhe vendosjen e hipotekës mbi pasuritë e paluajtshme të Shoqërisë;
 - l. çdo transaksion midis Shoqërisë dhe çdo personi tjetër që përfaqëson Shoqërinë ose me Personat e Lidhur në lidhje me atë person;
 - m. prishjen e Shoqërisë;
 - n. emërimin dhe revokimin e administratorit(ëve);
 - o. miratimin e pagës së administratorit;
 - p. miratimin e ekspertëve kontabël të autorizuar dhe shpërbllimit të tyre;
 - q. organizimin e strukturës së Shoqërisë;
 - r. përcaktimin e buxhetit vjetor;
 - s. miratimin e çdo çështje tjetër që i takon për zgjidhje asamblesë së përgjithshme, me ligj dhe/ose sipas këtij Statuti.

Neni 13

Vendimet e Asamblesë së Përgjithshme

- 13.1 Asambleja e përgjithshme nuk do të mbajë asnjë diskutim nëse nuk ka kuorum në fillim të mbledhjes. Kuorumi për asamblenë e përgjithshme është prania, brenda gjysmë ore nga koha e përcaktuar për fillimin e saj, personalisht ose me anë të përfaqësuesit me prokurë, të cilët zotërojnë më shumë se (i) gjysmën e numrit total të votave në rastin e marrjes së vendimeve që kërkojnë shumicë të cilësuar sipas Ligjit për Shoqëritë Tregtare ose (ii) tridhjetë për qind të numrit total të votave në rastin e marrjes së gjithë vendimeve të tjera.

Nëse, pas gjysmë ore nga koha e përcaktuar për fillimin e asamblesë, nuk ka kuorum, asambleja do të shtyhet pas një jave në të njëjtën ditë, në të njëjtën orë dhe në të njëjtin vend ose në një datë të

mëvonshme nëse kjo gjë specifikohet në njoftimin e thirrjes së asamblesë së përgjithshme, përveç rasteve kur Ortakët bien dakord ndryshe.

- 13.2 Vendimet në lidhje me ndryshimin e këtij Statuti, zmadhimin dhe zvogëlimin e kapitalit, shpërndarjen e fitimit, riorganizimin dhe shpërbërjen e Shoqërisë kërkojnë një shumicë të cilësuar prej të paktën 3/4 të votave të Ortakëve të pranishëm në asamble, dhe duhet në çdo rast të miratohen nga Ortaku i pakicës. Përveç rastit kur Ligji për Shoqëritë Tregtare nuk lejon ndryshimin me statut të shumicës së kërkuar për marrjen e vendimeve, të gjitha vendimet e tjera të asamblesë së përgjithshme mund të miratohen me shumicë të thjeshtë të Ortakëve të pranishëm apo të përfaqësuar në asamble, por në çdo rast vetëm nëse kanë miratimin e Ortakut të pakicës. Për të shmangur çdo dyshim, nëse Ortaku i pakicës nuk miraton vendimet si më sipër, qoftë duke votuar kundër në asamble, qoftë duke mos i miratuar shprehimisht ato për shkak se zgjedh të mos marrë pjesë në mbledhje, vendimet nuk do të konsiderohen të miratuara dhe nuk do të kenë asnjë vlerë ligjore për Shoqërinë ose palët e treta.
- 13.3 Kur asambleja e përgjithshme nuk thirret siç përcaktohet në nenin 14 të këtij Statuti, ajo mund të marrë vendime vetëm nëse të gjithë Ortakët e Shoqërisë janë të pranishëm në asamble dhe bien dakord të vazhdojnë, pavarësisht parregullsisë.
- 13.4 Ortakët njohin dhe bien dakord për të marrë vendime të shkruara për Shoqërinë. Vendimet e propozuara së bashku me dokumentacionin që mbështet vendimet duhet t'u dërgohen Ortakëve në përputhje me nenin 14.4. Ortakët do të vendosin për vendimet e propozuara brenda 15 (pesëmbëdhjetë) ditë kalendarike nga data e njoftimit të dokumentit që përmban tekstin e vendimeve, duke i kthyer Ortakut tjetër dhe duke njoftuar Administratorin e Shoqërisë brenda kësaj periudhe një kopje origjinale të nënshkruar të dokumentit ose me e-mail një kopje të skanuar të dokumentit të nënshkruar. Për këtë qëllim, të gjithë Ortakët mund të nënshkruajnë kopje të veçanta, por të njëjta të dokumentit që përmban tekstin e vendimeve të propozuara.
- 13.5 Ortakët mund të miratojnë një vendim me shkrim në mungesë të formaliteteve të parashikuara në nenin 13.4 me kusht që të gjithë Ortakët të bien dakord për miratimin e një vendimi të tillë. Për këtë qëllim, të gjithë ortakët mund të nënshkruajnë vendime të veçanta, por të njëjta, ku një kopje origjinale e nënshkruar duhet t'i dërgohet e të ruhet në Shoqëri.
- 13.6 Ortakët angazhohen të sillen me mirëbesim dhe të shmangin sa më shumë të jetë e mundshme rastet e Bllokimit. Nëse një rast Bllokimi verifikohet, Ortakët, në kuadër të vijimit të funksionimit normal të Shoqërisë detyrohen dhe janë përgjegjës personalisht kundrejt njëri tjetrit dhe/ose Shoqërisë për të kryer ose për të mos kryer veprimet minimale në mënyrë që Shoqëria të ruajë *status quo*-në, përveç rastit kur ruajtja e *status quo*-së sjell një dëm të drejtpërdrejtë ose detyrim qartësisht të verifikueshëm në dëm të Shoqërisë.

Neni 14

Thirrja e Asamblesë së Përgjithshme

- 14.1 Asambleja e përgjithshme mund të thirret nga secili prej Administratorëve të Shoqërisë, nëse ka më shumë se një, të paktën një herë në vit në selinë e Shoqërisë ose në çdo vend tjetër siç përcaktohet në njoftim.



- 14.2 Ortakët që përfaqësojnë të paktën 5% të votave të përgjithshme të Shoqërisë mund t'i kërkojnë Administratorit me shkrim, përfshirë postën elektronike për thirrjen e asamblesë së përgjithshme. Kërkesa duhet të përmbajë arsyet dhe objektivat dhe çështjet për të cilat asambleja e ortakëve duhet të vendosë. Administratori është i detyruar të thërrasë asamblenë e përgjithshme në përputhje me nenin 84 të Ligjit për Shoqëritë Tregtare (përfshirë me anë të postës elektronike), përndryshe Ortakët që kanë kërkuar mbledhjen kanë të drejtë ta thërrasin vetë asamblenë e përgjithshme sipas kërkesave të njoftimit të parashikuara në nenin 14.3 më poshtë.
- 14.3 Asambleja e përgjithshme do të thirret me njoftim me shkrim të lëshuar nga Administratori, i cili duhet t'u dërgohet Ortakëve apo përfaqësuesve të Ortakëve me postë të shpejtë me lajmërim marrje ose me postë elektronike (email) jo më vonë se 7 (shtatë) ditë përpara ditës së caktuar për mbledhjen. Njoftimi për mbledhjen e asamblesë së përgjithshme duhet të përcaktojë datën, orën dhe vendin e mbledhjes si dhe çështjet që do të diskutohen (rendi i ditës) dhe, në rast të një asambleje vjetore për miratimin e pasqyrave financiare, duhet të përfshijë pasqyrat e plota financiare dhe raportet e auditimit nëse ka.
- 14.4 Ortakët janë personalisht përgjegjës që t'i njoftojnë Administratorit të Shoqërisë të gjitha të dhënat e tyre të kontaktit duke përfshirë, por pa u kufizuar në adresën e tyre postare, adresën e postës elektronike, dhe gjithashtu të njoftojnë Administratorin për çdo ndryshim vijues të të dhënave të tyre të kontaktit.

14.4.1. Përveç kur parashikohet ndryshe, një njoftim që i jepet një palë sipas ose në lidhje me këtë Statut:

- i. do të jetë me shkrim dhe në gjuhën angleze ose italiane dhe sipas rastit do të përkthehet në shqip;
- ii. do të nënshkruhet nga ose në emër të palës që e ka lëshuar atë;
- iii. do t'i dërgohet palës përkatëse në adresën e specifikuar në nenin 14.4.2, ose në një adresë tjetër, siç ajo palë mund të njoftojë palën tjetër në përputhje me dispozitat e këtij neni 14; dhe
- iv. do të:
 - dërgohet dorazi; ose
 - dërgohet me postë të regjistruar me lajmërim marrje ose postë të shpejtë; ose
 - dërgohet me postë elektronike me konfirmim marrje; dhe
- v. konsiderohet i marrë siç përcaktohet në nenin 14.4.4.

14.4.2. Adresat për shërbimin e njoftimeve janë si më poshtë:

- i. MARCO CAVAZZA
adresa: BILALA GOLEMI 14 KP 9701 SARANDE
e-mail: marcocavazzaalbania@gmail.com
- ii. ARBER GOGA
adresa: Rruga Kosova Nr 10 KP 6401, Peremt
e-mail: gogoarber@gmail.com

14.4.3. Një Ortak mund të ndryshojë të dhënat e tij në lidhje me dhënien e njoftimeve siç është përcaktuar në nenin 14.4.2 duke njoftuar Ortakun tjetër dhe Shoqërinë. Çdo ndryshim që njoftohet në përputhje me nenin 14.4.3 do të jetë i zbatueshëm prej orës 9:00 deri në:

- i. datën (nëse ka) e përcaktuar në njoftim si data e hyrjes në fuqi të ndryshimit; ose
- ii. pesë ditë pune pas marrjes së njoftimit.

14.4.4. Njoftimi do të konsiderohet i kryer:

- i. nëse dërgohet dorazi, duke nënshkruar njoftimin e thirrjes dhe/ose dokument tjetër për këtë qëllim; ose
- ii. nëse dërgohet nëpërmjet postës së regjistruar me lajmërim marrje ose poste të shpejtë, nëpërmjet nënshkrimit të konfirmimit të marrjes ose në kohën që njoftimi është lënë në adresë ose në orën 16:00 të ditës në të cilën postieri nuk ka mundur të dorëzojë njoftimin dhe ka shënuar që Ortaku është larguar, adresa nuk ekziston etj.; dhe
- iii. nëse dërgohet me e-mail, në kohën e dërgimit me kusht që e-mail-i është dërguar me konfirmim marrje dhe ky konfirmim marrje është marrë nga pala dërguese, ose nëse pala marrëse konfirmon me email marrjen dijeni.

14.5 Secili nga Ortakët ka të drejtë të përfaqësohet nga një person tjetër në përputhje me nenin 85 të Ligjit për Shoqëritë Tregtare.

Neni 15 Zhvillimi i Mbledhjes

- 15.1 Asambleja e përgjithshme do të kryesohet nga kryetari i saj që emërohet nga Ortaku i pakicës në rast se Ortakët nuk bien dakord. Mbledhja mund të zhvillohet gjithashtu përmes mjeteve të komunikimit në distancë (psh. skype, viber, chatsapp, zoom, microsoft teams etj.), përfshirë konferencën telefonike, me kusht që të gjithë Ortakët pjesëmarrës të mund të dëgjojnë njëri-tjetrin në të njëjtën kohë dhe të kenë mundësi të shprehin votën e tyre për vendimet e marra. Të gjithë ata që do të marrin pjesë sipas mënyrës së mësipërme do të konsiderohen si të pranishëm në këtë mbledhje të asamblesë.
- 15.2 Procesverbali do të mbahet nga një noter publik në rast se kërkohet nga ligji në fuqi dhe/ose kur ndonjë nga Ortakët e gjykon të arsyeshme. Në këtë rast, nuk është i nevojshëm shërbimi i sekretarit.
- 15.3 Procesverbali i mbledhjes nënshkruhet nga kryetari i mbledhjes dhe sekretari (ose një noter publik). Në rast se është e pamundur që ekstrakti i procesverbalit që përmban vendimet e miratuara, të hartohet dhe të nënshkruhet menjëherë pas përfundimit të mbledhjes, kjo rrethanë do të pasqyrohet në procesverbalin e mbledhjes dhe kryetari është përgjegjës për hartimin e tij dhe qarkullimin e tij tek Ortakët e pranishëm në mbledhje, me e-mail, brenda 3 (tre) ditëve pune nga data e mbledhjes. Të gjithë Ortakët e pranishëm në mbledhje mund të nënshkruajnë kopje të veçanta por të njëjta të procesverbalit dhe vendimeve, kopja origjinale e nënshkruar e secilit duhet t'i dërgohet Administratorit të Shoqërisë jo më vonë se 7 (shtatë) Ditë Pune pas marrjes së draftit. Nëse Administratori nuk ka mbledhur nënshkrimet e të gjithë Ortakëve të pranishëm në mbledhje brenda afatit kohor të përcaktuar më sipër, Administratori është i autorizuar të depozitojë në Qendrën Kombëtare të Biznesit ekstraktin e procesverbalit që përmban vendimet e miratuara dhe të nënshkruara rregullisht nga kryetari dhe sekretari që përcaktojnë formimin kuorumin, shumicën e kërkuar për vlefshmërinë e vendimeve dhe votimin e secilit Ortak.
- 15.4 Pa rënë ndesh me atë që është përcaktuar më sipër në nenin 15.3, ekstraktet e vendimeve e miratuara nga asambleja e përgjithshme mund të veçohen nga procesverbali për qëllim të depozitimit të tyre në Qendrën Kombëtare të Biznesit dhe të nënshkruhen rregullisht nga të gjithë Ortakët e pranishëm. *Shoqëria*



kundër dhe nënshkrimi i Ortakut(ëve) kundërshtues mund të reflektohet në brendësi të vendimeve të miratuara në mbledhje, megjithatë në rast se Ortaku refuzon të nënshkruajë, ky refuzim do të shënohet në mënyrën e duhur nga kryetari i mbledhjes në krah të emrit të ortakut.

- 15.5 Ortakët të cilët refuzojnë të kryejnë veprimet procedurale të përcaktuara në këtë Statut, pa ndikuar në të drejtën e tyre për të votuar kundër vendimeve të propozuara ose për të mos u paraqitur në mbledhje, janë përgjegjës ndaj Ortakut(ëve) tjetër dhe/ose Shoqërisë nëse është rasti dhe detyrohen të shpërblejnë dëmin e shkaktuar nga sjellja e tyre e cila do të konsiderohet në keqbesim. Për të shmangur çdo dyshim Ortaku konsiderohet në shkelje të Statutit nëse refuzon nënshkrimin formalisht të vendimit, për atë kohë sa në vendim është përcaktuar në mënyrë të saktë votimi kundër i Ortakut.

Neni 16

Përfashtimi nga e Drejta e Votës

- 16.1 Ortaku nuk mund të ushtrojë të drejtën e votës nëse Asambleja e përgjithshme vendos për
- vlerësimin e veprimitarisë së tij;
 - shuarjen e ndonjë detyrimi në ngarkim të tij;
 - ngritjen e një padie ndaj tij nga Shoqëria;
 - dhënie e përfitimeve të tjera;

si dhe çdo rast tjetër të parashikuar në Ligjin për Shoqëritë Tregtare.

- 16.2 Kur Ortaku përfaqësohet nga një përfaqësues i autorizuar, i autorizuari vlerësohet të jetë në të njëjtin konflikt interesi, ashtu si dhe Ortaku që ai përfaqëson.

Neni 17

Largimi dhe Përfashtimi i Ortakut

- 17.1 Largimi i Ortakut rregullohet nga neni 101 i Ligjit për Shoqëritë Tregtare.
- 17.2 Ortaku që kërkon të largohet nga Shoqëria duhet të njoftojë me shkrim Administratorin në lidhje me qëllimin për t'u larguar dhe arsyet për këtë largim.
- 17.3 Administratori duhet që menjëherë pas marrjes së njoftimit referuar paragrafit 2 të këtij neni të thërrasë asamblenë e përgjithshme në mënyrë që të vendoset nëse Ortaku do të marrë pagesën në lidhje me kuotat e tij si pasojë e largimit për shkaqe të arsyeshme.
- 17.4 Asambleja e përgjithshme do të diskutojë arsyet e largimit të paraqitura nga Ortaku që kërkon të largohet dhe do të vendosë nëse shkaqet e largimit janë të arsyeshme dhe mbi shumën dhe mënyrën e pagesës të kuotave të Ortakut që kërkon të largohet. Ortaku që do të largohet mund të fillojë procedurat pranë gjykatës kompetente për t'i kërkuar Shoqërisë likuidimin e kuotës në rast se Administratori nuk thërret asamblenë e përgjithshme apo nëse kjo e fundit nuk i njeh arsyet e Ortakut për largimin dhe të drejtën e pagesës.



- 17.5 Nëse asambleja e përgjithshme nuk mbledhet në mënyrë vullnetare apo për mungesë kuorumi brenda një afati prej 30 ditësh nga dita që Administratori ka marrë njoftim për qëllimin për t'u larguar ose nëse nuk i pranon shkaqet e largimit si të arsyeshme, pra duke mohuar të drejtën e Ortakut që largohet për t'u paguar, Ortaku që kërkon të largohet mund:
- Të ushtrojë të drejtën e largimit duke njoftuar Administratorin e Shoqërisë në selinë e Shoqërisë, me njoftim me shkrim, brenda një afati prej 30 ditësh nga përfundimi i afatit të parashikuar në këtë nen më sipër. Në këtë rast, largimi do të konsiderohet efektiv që nga data e marrjes së këtij njoftimi me shkrim, pavarësisht faktit nëse kuota është likuiduar apo jo, dhe Administratori do të ndërmarrë të gjitha masat e nevojshme për të regjistruar këtë largim në Qendrën Kombëtare të Biznesit në përputhje me ligjin;

dhe/ose
 - Të fillojë procedurat pranë gjykatës kompetente në përputhje me Nenin 17.4, rast në të cilin largimi do të konsiderohet efektiv që prej datës së vendimit përfundimtar të gjykatës në lidhje me këtë çështje.
- 17.6 Ortaku mund të përjashtohet nga Shoqëria vetëm për shkaqet e arsyeshme në përputhje me Nenin 102 të Ligjit për Shoqëritë Tregtare.
- 17.7 Ortakët pranojnë që largimi ose përjashtimi i Ortakut nuk do të fillojë ose, nëse ka filluar, do të pezullohet nëse Ortaku i pakicës ushtron të drejtat e opsionit sipas neneve 9.12 e vijues. Procedura e largimit ose përjashtimit do të konsiderohet e mbyllur me përfundimin e procedurës për shitjen ose blerjen e kuotës mbi bazën e të drejtës së opsionit.

Neni 18 Administrimi dhe Përfaqësimi

- 18.1 Shoqëria do të administrohet në aktivitetin e saj të përditshëm nga një ose më shumë Administratorë të emëruar dhe zëvendësuar nga asambleja e përgjithshme.
- 18.2 Administratori(ët) mund të emërohen për një mandat deri në 5 (pesë) vjet me të drejtë rinovimi.
- 18.3 Administratori nuk duhet detyrimisht të jetë Ortak. Të dhënat individuale të Administratorëve përcaktohen në Aneksin A.
- 18.4 Përveç rasteve kur parashikohet ndryshe në këtë Statut ose në vendimin e asamblesë së përgjithshme për emërimin e tyre, Administratorët, në rastin kur Shoqëria ka më shumë se një Administrator, kanë kompetenca të plota të cilat ushtrohen bashkërisht për administrimin e zakonshëm dhe të përditshëm të Shoqërisë të listuara në mënyrë jo shteruese si më poshtë:
- administrimi i aktivitetit të përditshëm të Shoqërisë në përputhje me vendimet dhe udhëzimet e asamblesë së përgjithshme, të marra kohe pas kohe;
 - hapja, mbyllja dhe operimi i llogarive bankare të Shoqërisë;
 - miratimi për lidhjen e marrëveshjeve ose kryerjen e transaksioneve me palët e treta;



Neni 19

Detyrimet e Besnikërisë dhe Përgjegjësia

- 19.1 Përveç detyrimeve të përgjithshme të parimit të besnikërisë të parashikuara në Nenet 14, 15, 17 dhe 18 të Ligjit për Shoqëritë Tregtare, Administratori duhet:
- të kryejë detyrat e tij në përputhje me Ligjin për Shoqëritë Tregtare apo këtë Statut në mirëbesim dhe duke marrë parasysh interesat e Shoqërisë në përgjithësi, dhe në veçanti duke konsideruar ndikimin në mjedis të veprimtarisë së saj;
 - të ushtrojë detyrat e tij që i janë dhënë në përputhje me Ligjin për Shoqëritë Tregtare apo këtë Statut, vetëm për qëllimet e përcaktuara në këtë Statut;
 - të konsiderojë në mënyrë të përshtatshme çështjet për të cilat duhet të vendoset;
 - të parandalojë dhe të shmangë konfliktet ekzistuese dhe të mundshme ndërmjet interesave personale dhe atyre të Shoqërisë;
 - të ushtrojë detyrat e tij sipas parimit të kujdesit dhe të profesionalizmit;
 - të ofrojë çdo informacion në lidhje me biznesin dhe të dhënat ekonomike të Shoqërisë të kërkuar nga secili prej Ortakëve, brenda një fati kohor të përshtatshëm dhe në çdo rast jo më vonë se 7 ditë. Informacioni dhe të dhënat duhen përditësuar.
- 19.2 Administratori gjatë ushtrimit të detyrave të tij, do të jetë përgjegjës ndaj Shoqërisë për çdo veprim apo mosveprim që lidhet në mënyrë të arsyeshme me objektin e Shoqërisë, me përjashtim të rasteve kur, në bazë të hetimit dhe vlerësimit të informacioneve përkatëse, veprimi apo mosveprimi është ushtruar në mirëbesim.
- 19.3 Në rast të shkeljes së detyrave dhe standardit të kujdesit të duhur të referuar në paragrafët 1 dhe 2 të këtij Neni, Administratori ka detyrimin të dëmshpërblejë Shoqërinë për çdo dëm që rezulton nga kjo shkelje. Ai/ajo gjithashtu duhet të dorëzojë çdo fitim personal të përfutur nga ai apo Persona të Lidhur gjatë shkeljes së detyrimeve të tij. Ai/ajo do të ketë barrën e provës për të provuar përputhshmërinë e ushtrimit të detyrave të tij me standardet e kërkuara.
- 19.4 Veçanërisht, por jo vetëm, Administratori është i detyruar të dëmshpërblejë Shoqërinë në lidhje me dëmin e shkaktuar, nëse, në kundërshtim me dispozitat e Ligjit për Shoqëritë Tregtare, kryen veprimet e mëposhtme:
- u kthejnë ortakëve kontributet;
 - u paguajnë ortakëve interesa apo dividendë;
 - shpërndajnë aktivet e Shoqërisë;
 - lejojnë që Shoqëria të vazhdojë veprimtarinë tregtare, kur, në bazë të gjendjes financiare, duhet të parashikohej që shoqëria nuk do të kishte aftësi paguese për të shlyer detyrimet;
 - japin kredi.
- 19.5 Neni 92, paragrafi 6 i Ligjit për Shoqëritë Tregtare zbatohet edhe për paditë, që rrjedhin nga paragrafët e këtij Neni. Këto padi duhet të ngrihen brenda 3 vjetëve nga kryerja e shkeljes apo nga zbulimi i saj.

IV. DISPOZITA TË PËRGJITHSHME

Neni 20

Eksperti(ët) Kontabël i Autorizuar

Eksperti(ët) Kontabël do të emërohet me vendim të asamblesë së përgjithshme, nëse është e nevojshme ose bëhet e detyrueshme në përputhje me ligjin.

Neni 21

Dividendët dhe Fitimi

Ortakët kanë të drejtë për një pjesë të fitimit të paraqitur në pasqyrat financiare të Shoqërisë që do të shpërndahet në përputhje me parashikimet e këtij Statuti dhe në përputhje me parashikimet e Ligjit për Shoqëritë Tregtare.

Neni 22

Viti Financiar

Viti financiar i aktivitetit të Shoqërisë përkon me vitin kalendarik, fillon më 1 janar dhe përfundon më 31 dhjetor të çdo viti..

Neni 23


Bilanci. Mbajtja e Llogarisë

- 24.1 Bilanci i Shoqërisë miratohet nga asambleja e përgjithshme dhe duhet të përgatitet për t'ju paraqitur organeve tatimore përpara përfundimit të muajit mars të vitit pasues.
- 24.2 Librat e llogarisë duhet të mbahen në gjuhën shqipe dhe në monedhën vendase (Lek). Shoqëria mund të mbajë llogari të veçanta në monedhë të huaj, shuma e të cilave duhet të konvertohet, çdo muaj, në monedhën vendase.
- 24.3 Shoqëria mund të marrë financime nga institucione financiare që operojnë në Shqipëri ose jashtë saj. Për këtë arsye Ortakët dhe/ose Shoqëria mund të vendosin barrë siguruese, ose hipotekë mbi pasuritë e luajtshme ose të paluajtshme, me vendim të asamblesë së përgjithshme në përputhje me parashikimet e këtij Statuti.

Neni 24

Likuidimi

- 25.1 Asambleja e përgjithshme mund të vendosë të likuideojë Shoqërinë.



- 25.2 Me vendim të asamblesë së përgjithshme do të caktohet një likuidator ose një grup likuidatorësh që do të merren me procedurat e likuidimit.
- 25.3 Likuidatori(ët) do të përgatisin raportin e likuidimit, i cili përmban një përmbledhje të gjendjes ekonomike të Shoqërisë, hapat e likuidimit dhe kohën e nevojshme për përfundimin e tij. Në fund të këtij procesi, asambleja e përgjithshme do të miratojë bilancin përfundimtar dhe do të japë miratimin për përfundimin e procedurës së likuidimit.

Neni 25 Ndryshimi i Statutit

Dispozitat e këtij Statuti mund të ndryshohen nga asambleja e përgjithshme, në përputhje me dispozitat e Ligjit për Shoqëritë Tregtare dhe të këtij Statuti. Ndryshimi, me vendim të asamblesë së përgjithshme, i të dhënave, përmbajtjes ose dispozitave në nenet 6.1, 7.1, 8, 14.4.2, 18.4, 18.5, ose në Aneksin A nuk do të konsiderohet si ndryshim i këtij Statuti.


Neni 26 Dispozita Përfundimtare

Ky Statut hartohet dhe nënshkruhet në (katër) kopje origjinale në gjuhën shqipe dhe italiane. Në rast mospërputhje midis dy versioneve, versioni në gjuhën shqipe mbizotëron.


Nënshkruar më 16.08.2023

ORTAKËT

Marco Cavazza



Arber Goga



ANEKS A
Administratorët e Shoqërisë

1. ARBER GOGA Nr Personal I30612021T lindur ne MEMALIAJ , me 12/06/1983, banues ne qytetin e PERMETIT

Arber Goga

A.C.

Arber Goga

MF
Inam
Cla
ROT.
200
CO 12